

Publicaziuns officialas dils 11 d'october 2024

Vischnaunca Trun

Elecziun supplementara per la suprastanza communal

Per il rest dalla perioda d'uffeci 2024-2026

La elecziun ha liug dumengia, ils 24 da november 2024

Geraua Erica Cavegn-Pfister ha abdicau siu uffeci sin la fin digl onn 2024. Sebasond sin artechel 31 dalla lescha davart votaziuns ed elecziuns ordeina la suprastanza communal ina elecziun supplementara per il rest dalla perioda d'uffeci.

Propostas per il sez che vegn libers en la suprastanza communal ein d'inoltrar entochen ils

24 d'october 2024 (Art. 19 lescha davart votaziuns ed elecziuns). Tenor art. 19 dalla lescha davart votaziuns ed elecziuns san gruppas da silmeins 5 votants proponer candidats per la suprastanza. Talas propostas ein da far en scret e d'inoltrar all'administraziun communal. Ina proposta astga buca cuntener dapli candidats ch'il diember da posts libers. Las candidatas ed ils candidats ston mintgamai vegnir indicai cun num e prenum, onn da naschientscha, liug e professiun.

Administraziun communal Trun

Organisaziun rimnada da rufid bloccont

Sco usitau organisescha la vischnaunca la rimnada da rufid bloccont.

La rimnada en vischnaunca ei destinada per rufid ord ils tenercasa privats da nossa vischnaunca. Ella succeda per segidar cun nossas convischinas e nos convischins e per evitar viadis cun pigns quantums sin la deponia a Plaun Grond, Rueun.

Liug

La rimnada da rufid bloccont succeda gievgia, ils 17-10-2024, allas 10.00 – 18.00 ad Igniu/Pustget.

Uorden sil plaz da rimnada

Il material sto vegnir sortius e deponius tenor instrucziun dil responsabel per la rimnada en ils divers containers.

Cuosts

Pigns quantums entochen la grondezia dad 1 m³ vegnan pri encunter gratuitamein. Per quantums che survargan quella dimensiun vegn quintau mintgamai frs. 15.00 per il m³. Per pneus senza gavegl ei da pagar ina contribuziun da frs. 6.00 per toc, pneus cun gavegl frs. 12.00 per toc.

Rufid che vegn buca prius encounter:

- lenna che sa vegnir barschada
- plastic dallas ballas da silo
- rufid che croda tier spazzadas, sanaziuns e rumidas da baghetgs
- utensils electronics (san vegnir dismiss tier la deponia Plaun Grond a Rueun)

Suprastonza communal Trun

Serrada dalla via Boden

A partir dils 21 d'october vegn pinau lenna egl uaul dil Boden. Per il transport da lenna ord igl uaul vegn montau la suga. Ord quei motiv sto la via vegnir serrada per tut il traffic. Las lavurs cuozzan rodun treis jamnas. La fin d'jamna vegn sespruau da tegner liber la via. Informaziuns detaglias anfleis vus sin la pagina d'internet dalla vischnaunca da Trun.

En cass urgents e motivai eis ei da prender si contact cun il selvicultur Carlo Monn (078 729 73 84) ni cun il responsabel per il tagl da lenna David Solèr (079 754 31 55).

*Uffeci forestal Trun
Firma Solèr Holz AG*

Administraziun communal

Il spurtegl dall'administraziun communal resta serraus gliendisdis, ils 14 d'october e mardis, ils 15 d'october 2024 muort lavurs da sanaziun e remplazzament da cazzolas els zulers dil center communal.

Bien engraziament per la capientscha.

Administraziun communal Trun

Leitungsunterbruch Glasfasernetz Trun - Sedrun

Infolge Neubaus des RhB-Bahnhofs in Trun müssen verschiedene Glasfaserkabel der Repower zwischen Trun und Sedrun unterbrochen und umverlegt werden. Die Umschaltungen finden während zweier Nachtschichten statt.

Die Kommunikationsverbindungen und -dienste werden während den Umschaltungen unterbrochen und auf das neue Glasfaserkabel aufgeschaltet. Während folgender Zeiten sind sämtliche Kommunikationsdienste unterbrochen.

Die Arbeiten sind wie folgt terminiert:

Betroffene Strecke / Orte: Trun - Sedrun
Dauer: 23.10.2024 ab 23.00 Uhr bis 24.10.2024 um 6.00 Uhr
24.10.2024 ab 23.00 Uhr bis 25.10.2024 um 6.00 Uhr
Betroffene Gemeinde: Trun, Sumvitg, Disentis und Tujetsch

Die Repower versucht den Unterbruch so kurz wie möglich zu halten. Dennoch ist mit einem längeren Unterbruch während der angegebenen Arbeitszeit zu rechnen. Die Dienstleistungen stehen Ihnen nach der Umlegung der Kabel wie gewohnt zur Verfügung. Bei allfälligen Fragen stehen wir Ihnen gerne zur Verfügung. Wir entschuldigen uns für die Unterbrüche und danken für Ihr Verständnis.

Ihre connecta ag

Uniun da scursalets Trun

Scola da hockey sin glatsch e patinar dalla Banca Cantunala Grischuna

Eis ti in buob ni ina buoba denter 4 ed 8 onns ed has plascher d'emprender da patinar e dar hockey sin glatsch cun trenaders dall'Uniun da scursalets Trun (UdsT)? Lu s'annunzia per la scola da patinar e hockey che l'UdsT meina atras per la 27avla gada. Igl impurtont ei buca la prestaziun mobein il plascher ed il divertiment en ina gruppa. Per separticipar drova ei ina capellina, patinas e sche avon maun ulteriurs schurmetgs. Enqual uorden da hockey e patinas san ins era affittar dall'UdsT.

Liug: Patinera Center da sport Mustér e patinera a Trun (cu la patinera naturala a Trun ei aviarta)

Entschatta: A Mustér venderdis, ils 1 da november 2024, dallas 17.15 – 18.15

Trenaments: A Mustér e cu la patinera a Trun ei semtgada a Trun: mesjamna e venderdis 17.15 – 18.15 (ins sa era prender part mo inagada ad jamna)

Cuoz: Naven d'entschatta november 2024 entochen ca. miez fevrer 2025

Fuffernadi: Vul ti inagada vegnir a fuffernar? Quei ei gratuit e pusseivel da tut temps.

Turnier da la Banca Cantunala Grischuna: Dumengia, ils 9 da fevrer 2024 ella halla da glatsch a Tavau

Menader dalla scola da patinar: Mischa Kupka, Lumneins 1, 7166 Trun, 078 633 20 08,
mischa.kupka@bluewin.ch

Annunzia ed informaziuns: www.grhockey.ch/gkbhockeyschule/uniun-da-scursalets-trun

Uniun da scursalets Trun

Hockey sin glatsch per affons denter 8 e 15 onns

Eis ti denter 8 e 15 onns ed has plascher da dar regularamein hockey sin glatsch en cumpignia da giuvens ni giuvnas ensemen cun trenaders dall'Uniun da scursalets Trun (UdsT)? Lu eis tier nus el dretg liug. Igl uorden da hockey sa per part vegnir affittaus.

Liug: Patinera Center da sport Mustér e patinera a Trun (cu la patinera naturala a Trun ei aviarta) sco era a Trun en halla da gimnastica dil Center communal.

Entschatta: Venderdis, ils 1 da november 2024, dallas 18.15 – 19.15 uras, Center da sport Mustér

Trenaments: Mintgamai mesjamna e venderdis dallas 18.15 – 19.45 uras

Cuoz: Naven d'entschatta november 2024 entochen ca. miez fevrer 2025

Fuffernadi: Vul ti inagada vegnir a fuffernar? Quei ei gratuit e pusseivel da tut temps.

Camp da Hockey: Biasca ils 9 – 10 da november 2024

Annunzia ed informaziuns: Uniun da scursaletsTrun, Raffael Bearth, president,
raffael.bearth@bluewin.ch, 079 609 39 79

Museum Cuort Ligia Grischa Trun

Sonda, ils 19 d'october allas 19.00 Referat «La structura geologica dil Tödi - Sediments dalla mar sin 3000 msm» dad Adrian Pfiffner. Il referat ei cumprus el prezi d'entrada. cordialmein envida

il team dil museum

Runa Péra SA

Invitaziun alla radunonza generala, venderdis, ils 25 d'october 2024 allas 20.00 el Refugi, Campliun.

Tractandas:

1. Beinvegni ed appel
2. Elecziun dils dumbravuschs
3. Protocol dalla radunonza generala dils 27 d'october 2023
4. Rapport da gestiun e rendaquen 2023/2024
5. Conclus davart l'applicaziun dil resultat da menaschi
6. Scarica al cussegl d'administraziun
7. Elecziuns
8. Varia

Dils differents acts sa vegnir priu investa tier la presidenta, Nora Zürcher, Via Caltgadira 2, 7166 Trun.

Suenter la radunonza vegn offeriu in puschegn. Per motivs organisatorics supplichein nus da s'annunziar tochen ils 24-10-2024 sin 079 585 55 30 ni info@runalpera.ch.

Il cussegl d'administraziun

Rinderausstellung Brigels

12.10.2024, 10 Uhr

Siehe unter Brigels!